



სსიპ საქართველოს ტექნიკური უნივერსიტეტის რექტორის

ბრძანება № 01-09-10/176

ქ. თბილისი

25 07 20 19წ.

2018-2019 სასწავლო წლის ზაფხულის სემესტრში სასწავლო კურსების გავლის შესახებ

“უმაღლესი განათლების შესახებ” საქართველოს კანონის, “უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ” საქართველოს განათლებისა და მეცნიერების მინისტრის 2007 წლის 5 იანვრის №3 ბრძანების, სტუ-ს აკადემიური საბჭოს 2018 წლის 28 ივნისის № 01-05-04/172 დადგენილების და საქართველოს ტექნიკურ უნივერსიტეტში სასწავლო პროცესის მართვის ინსტრუქციის საფუძველზე, 2018-2019 სასწავლო წლის ზაფხულის სემესტრის ორგანიზებულად ჩატარების მიზნით


ვ ბ რ ძ ა ნ ე ბ :

1. საქართველოს ტექნიკური უნივერსიტეტის სტუდენტებისათვის, გარდა საქართველოს ტექნიკურ უნივერსიტეტსა და სან-დიეგოს სახელმწიფო უნივერსიტეტს შორის თანამშრომლობით განსახორციელებელი უმაღლესი საგანმანათლებლო პროგრამებისა (ბაკალავრიატი), 2018-2019 სასწავლო წლის ზაფხულის სემესტრის (შემდგომში -სემესტრი) სააუდიტორიო მეცადინეობები (ლექცია, პრაქტიკული, ლაბორატორია, სემინარი და ა.შ.) და გამოცდები ჩატარდეს ორ ნაკადად. თითოეულ ნაკადაში სტუდენტს მიეცეს არაუმეტეს 6 კრედიტის დაგროვების უფლება.
2. პირველი ნაკადის სააუდიტორიო მეცადინეობები ჩატარდეს 2019 წლის 05 აგვისტოდან 21 აგვისტოს ჩათვლით. დოკუმენტური მასალის ჩაბარება მოხდეს 2019 წლის 22 აგვისტოს. მიმდინარე აქტივობები შეფასდეს სილაბუსის მიხედვით; შუასემესტრული გამოცდები/ტესტირებები (არსებობის შემთხვევაში) ჩატარდეს 2019 წლის 14 აგვისტოს. დასკვნითი გამოცდები ჩატარდეს 24 აგვისტოს, ხოლო დამატებითი გამოცდები – 30 აგვისტოს.

3. მეორე ნაკადის სააუდიტორიო მეცადინეობები ჩატარდეს 2019 წლის 26 აგვისტოდან 11 სექტემბრის ჩათვლით. დოკუმენტური მასალის ჩაბარება მოხდეს 2019 წლის 12 სექტემბერს. მიმდინარე აქტივობები შეფასდეს სილაბუსის მიხედვით; შუასემესტრული გამოცდები/ტესტირებები (არსებობის შემთხვევაში) ჩატარდეს 2019 წლის 05 სექტემბერს. დასკვნითი გამოცდები ჩატარდეს 14 სექტემბერს, ხოლო დამატებითი გამოცდები - 20 სექტემბერს.
4. პრაქტიკა, მისი სპეციფიკიდან გამომდინარე, ჩატარდეს სასწავლო კურსის პროგრამის (სილაბუსის) თანახმად;
5. სასწავლო კომპონენტის (სასწავლო კურსი, სემინარი, პრაქტიკა და სხვა) წამყვანი პროფესორი ვალდებულია უნივერსიტეტის ვებგვერდზე განთავსებულ სტუდენტთა შეფასების ელექტრონულ უწყისში (შემდგომში – ელექტრონული უწყისი, იხ. დანართი 4), სტუდენტთა შუალედური გამოცდის/ტესტირების, დასკვნითი ან/და დამატებითი გამოცდის (გარდა საგამოცდო ცენტრში ჩატარებული გამოცდებისა) (იხ. დანართი 3) შედეგები შეიტანოს არაუგვიანეს შეფასების/გამოცდის ჩატარების ბოლო ვადის მომდევნო ორი სამუშაო დღისა (17 საათამდე);
6. უნივერსიტეტის საგამოცდო ცენტრი ვალდებულია ელექტრონულ უწყისში შეიტანოს კომპიუტერულ ცენტრში ჩატარებული შუალედური გამოცდის/ტესტირების, დასკვნითი ან/და დამატებითი გამოცდის შედეგები არაუგვიანეს გამოცდის/ტესტირების ჩატარებიდან მომდევნო ორი სამუშაო დღისა (17 საათამდე);
7. სემესტრის ბოლოს, არაუგვიანეს დამატებითი გამოცდის ჩატარებიდან მომდევნო ორი სამუშაო დღისა, სასწავლო კომპონენტის წამყვანი პროფესორი აკადემიურ დეპარტამენტში ელექტრონული უწყისის ამონაბეჭდზე (2 ეგზ.) ხელმოწერით დაადასტურებს მონაცემებს. დეპარტამენტის სპეციალისტი უწყისს გაატარებს რეგისტრაციაში და გადასცემს დეკანატს;
8. დაევალოთ ფაკულტეტების დეკანებს:
- 8.1. სემესტრის დაწყებამდე სწავლების დეპარტამენტში შესათანხმებლად წარადგინონ საფაკულტეტო ბრძანებების პროექტები მიმდინარე სემესტრში სასწავლო/საწარმოო პრაქტიკის გავლის გრაფიკის შესახებ;
- 8.2. სემესტრის დაწყებამდე უზრუნველყონ სტუდენტთა აკადემიური (წინა სემესტრის/სემესტრების სწავლის შედეგების შემოწმება ან/და სასწავლო ხელშეკრულების გაფორმება) და ადმინისტრაციული (საფინანსო ხელშეკრულების გაფორმება ან/და სწავლის საფასურის გადახდა) რეგისტრაციის ჩატარება, რეგისტრირებული სტუდენტების ელექტრონულ უწყისებში ასახვა;
- 8.3. სემესტრის დაწყებიდან არაუგვიანეს ერთი კვირისა სწავლების დეპარტამენტში წარადგინონ ინფორმაცია კონსულტაციების, შუასემესტრული და დასკვნითი გამოცდების დანიშვნის პროცესის დასრულების შესახებ;
- 8.4. უზრუნველყონ სემესტრის განმავლობაში სტუდენტთა შეფასების უწყისების შევსების მონიტორინგი;
- 8.5. სემესტრის დამთავრებიდან ორი კვირის ვადაში სწავლების დეპარტამენტში წარადგინონ მოხსენებითი ბარათები სემესტრის ჩატარების, საბოლოო შედეგებისა და სტუდენტთა შეფასებების უწყისების რეგისტრაციის დასრულების შესახებ.

- 8.6. სემესტრის დამთავრებიდან სამი თვის ვადაში სწავლების დეპარტამენტში წარადგინონ მოხსენებითი ბარათები კურსდამთავრებულებისათვის კვალიფიკაციის მინიჭებისა და დიპლომისა და დიპლომის დანართების მომზადების პროცესის დასრულების შესახებ;
9. კონტროლი ბრძანების შესრულებაზე დაევალოს სწავლების დეპარტამენტს (თ. წერეთელი);
10. ბრძანება გამოკრულ იქნეს თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი



ა. ფრანგიშვილი

საქართველოს ტექნიკური უნივერსიტეტი

2018/2019 სასწავლო წლის ზაფხულის სემესტრში სასწავლო კურსების გავლის გრაფიკი

I ნაკადი

თარიღი	05 აგვისტო	06 აგვისტო	07 აგვისტო	08 აგვისტო	09 აგვისტო	10 აგვისტო	12 აგვისტო	13 აგვისტო	14 აგვისტო	15 აგვისტო	16 აგვისტო	17 აგვისტო	19 აგვისტო	20 აგვისტო	21 აგვისტო	22 აგვისტო	23 აგვისტო	24 აგვისტო	30 აგვისტო
თემა	I	II	III	IV	V	VI	VII	VIII	IX	X	XI	XII	XIII	XIV	XV	-	-	-	-
სასწავლო კომპონენტები																			
ბაკალავრიატი	სააუდიტორიო მეცადინეოები, მიმდინარე აქტივობები								სააუდიტორიო მეცადინეოები, მიმდინარე აქტივობები, შუასემესტრული გამოცდა (არსებობის შემთხვევაში)	სააუდიტორიო მეცადინეოები, მიმდინარე აქტივობები	დოკუმენტური მასალის ჩაბარება, გამოცდისთვის მზადება	გამოცდისთვის მზადება	დასვენითი გამოცდა	დამატებითი გამოცდა					
მაგისტრატურა																			

საქართველოს ტექნიკური უნივერსიტეტი

2018/2019 სასწავლო წლის ზაფხულის სემესტრში სასწავლო კურსების გავლის გრაფიკი

II ნაკადი

თარიღი	თემა
	I 26 აგვისტო
	II 27 აგვისტო
	III 29 აგვისტო
	IV 30 აგვისტო
	V 31 აგვისტო
	VI 02 სექტემბერი
	VII 03 სექტემბერი
	VIII 04 სექტემბერი
	IX 05 სექტემბერი
	X 06 სექტემბერი
	XI 07 სექტემბერი
	XII 09 სექტემბერი
	XIII 10 სექტემბერი
	XIV 11 სექტემბერი
	XV 12 სექტემბერი
	13 სექტემბერი
	14 სექტემბერი
	20 სექტემბერი

სასწავლო კომპონენტები

ბაკალავრიატი	საუნივერსიტეტო მეცადინეობები, მიმდინარე აქტივობები	საუნივერსიტეტო მეცადინეობები, მიმდინარე აქტივობები, მუსიკალური ღონისძიებები (არსებობის შემთხვევაში)	საუნივერსიტეტო მეცადინეობები, მიმდინარე აქტივობები	დოკუმენტური მასალის ჩაბარება, გამოცდისთვის მზადება	გამოცდისთვის მზადება	დასვენითი გამოცდა	დამატებითი გამოცდა
ბაკალავრიატი	საუნივერსიტეტო მეცადინეობები, მიმდინარე აქტივობები	საუნივერსიტეტო მეცადინეობები, მიმდინარე აქტივობები, მუსიკალური ღონისძიებები (არსებობის შემთხვევაში)	საუნივერსიტეტო მეცადინეობები, მიმდინარე აქტივობები	დოკუმენტური მასალის ჩაბარება, გამოცდისთვის მზადება	გამოცდისთვის მზადება	დასვენითი გამოცდა	დამატებითი გამოცდა

სტუდენტთა მიღწევების შეფასება

1. სტუდენტის სწავლის შედეგის მიღწევის დონის შეფასება პროგრამის თითოეულ სასწავლო კომპონენტში უნდა მოიცავდეს შუალედურ და დასკვნით შეფასებას.
 2. შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი საბოლოო შეფასებაში. კერძოდ, საბაკალავრო ნაშრომის შუალედური შეფასების მაქსიმალური ქულაა 30, ხოლო დასკვნითი შეფასების მაქსიმალური ქულა – 70. დანარჩენი სასწავლო კომპონენტების შუალედური შეფასების მაქსიმალური ქულაა 60, ხოლო დასკვნითი გამოცდის მაქსიმალური ქულა – 40.
 3. დაუშვებელია კრედიტის მინიჭება შეფასების მხოლოდ ერთი ფორმის (შუალედური ან დასკვნითი შეფასება) გამოყენებით. სტუდენტს კრედიტი ენიჭება ამ მუხლის მე-11 პუნქტით განსაზღვრული დადებითი შეფასების მიღების შემთხვევაში (მე - 4 და მე - 15 პუნქტების გათვალისწინებით).
 4. შეფასების თითოეულ ფორმაში განსაზღვრულია მინიმალური კომპეტენციის ზღვარი:
 - დასკვნითი შეფასების მინიმალური დადებითი ქულაა: ბაკალავრიატში მაქსიმალური შეფასების 25%, ხოლო მაგისტრატურასა და დოქტორანტურაში – მაქსიმალური შეფასების 50%;
 - შუასემესტრული გამოცდის მაქსიმალური ქულაა 30. ბაკალავრიატში მინიმალური დადებითი შეფასებაა 7,5 ქულა, ხოლო მაგისტრატურასა და დოქტორანტურაში 15 ქულა;
 - მიმდინარე აქტივობის მაქსიმალური ჯამური შეფასებაა 30 ქულა, მინიმალური ჯამური დადებითი შეფასება – 15 ქულა.
 5. სემესტრში სასწავლო კურსში (საგანში) თემატური პროექტის არსებობისას მისი შეფასების მაქსიმალური ქულაა 15; ორი თემატური პროექტის არსებობისას პირველი თემატური პროექტის შეფასების მაქსიმალური ქულაა 5, ხოლო მეორე თემატური პროექტის შეფასების მაქსიმალური ქულა -10.
 6. სასწავლო კურსში 1 თემატური პროექტის არსებობისას იგი ჩაბარდება სააუდიტორიო მეცადინეობების დამთავრების მომდევნო სამუშაო დღეს; 2 თემატური პროექტის არსებობისას პირველი თემატური პროექტი ჩაბარდება შუასემესტრული გამოცდებისათვის გამოყოფილ კვირაში, ხოლო მეორე – სააუდიტორიო მეცადინეობების დამთავრების მომდევნო სამუშაო დღეს.
- საკურსო სამუშაოს/საკურსო პროექტის შეფასების მაქსიმალური ქულაა 15.
7. ელექტრონულ უწყისში მითითებული უნდა იყოს, თუ შუალედური შეფასების რომელ კომპონენტში მოეთხოვება სტუდენტს დოკუმენტური მასალის (ლაბორატორიული/პრაქტიკული/ნახაზი/ნახატი/ თემატური პროექტი/პროექტები/ საკურსო სამუშაო/საკურსო პროექტი/პრაქტიკის ანგარიში და ა.შ.) ჩაბარება.
 8. დასკვნით გამოცდაზე გასვლის უფლება ეძლევა სტუდენტს, რომელმაც შუალედური შეფასების თითოეულ კომპონენტში დააგროვა არანაკლებ მინიმალური დადებითი შეფასებისა, ამასთან შეასრულა და დროულად ჩააბარა პროგრამით განსაზღვრული სამუშაოები დოკუმენტური მასალის სახით.

9. სწავლის შედეგების მიღწევის შეფასება უნდა დასრულდეს იმავე სემესტრში, რომელშიც იგი ხორციელდებოდა.
10. შეფასებისას გამოყენებული უნდა იყოს შედეგის შეფასებისათვის რელევანტური მეთოდი/მეთოდები და კრიტერიუმები.
11. შეფასების სისტემა უშვებს:
 - ა) ხუთი სახის დადებით შეფასებას:
 - ა.ა) (A) ფრიადი – 91-100 ქულა;
 - ა.ბ) (B) ძალიან კარგი – 81-90 ქულა;
 - ა.გ) (C) კარგი – 71-80 ქულა;
 - ა.დ) (D) დამაკმაყოფილებელი – 61-70 ქულა;
 - ა.ე) (E) საკმარისი – 51-60 ქულა.
 - ბ) ორი სახის უარყოფით შეფასებას:
 - ბ.ა) (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
 - ბ.ბ) (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.
12. FX-ის მიღების შემთხვევაში უნივერსიტეტი (დეკანატი, საგამოცდო ცენტრი) ვალდებულია დამატებითი გამოცდა დანიშნოს დასკვნითი გამოცდის შედეგების გამოცხადებიდან არანაკლებ 5 დღეში (იხ. დანართები 1, 2).
13. სტუდენტის მიერ დამატებით გამოცდაზე მიღებულ შეფასებას არ ემატება დასკვნით გამოცდაზე მიღებული ქულათა რაოდენობა.
14. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.
15. დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, ან თუ სტუდენტი დასკვნით/დამატებით გამოცდაზე ვერ გადალახავს მინიმალური კომპეტენციის ზღვარს, სტუდენტს უფორმდება შეფასება F-0 ქულა.
16. პროგრამით განსაზღვრული სამუშაოების (ლაბორატორიული/სამუშაო/პრაქტიკული სამუშაო/საკურსო სამუშაო, საკურსო პროექტი, პრაქტიკის ანგარიში, სემინარი, საბაკალავრო კვლევითი პროექტი/ნაშრომი და ა. შ.) შესრულების და შესაბამისი დოკუმენტური მასალის ჩაბარების აღსანიშნავად, ელექტრონულ უწყისში სააუდიტორიო მეცადინეობების დასრულების მომდევნო სამუშაო დღეს გაიხსნება შესაბამისი ფანჯარა (შემდგომში დოკუმენტური მასალის ფანჯარა) სათანადო მონიშვნის გაკეთების მიზნით. იგი დაიხურება ორ სამუშაო დღეში (17 საათზე).
17. დასკვნითი გამოცდის/დასკვნითი შეფასების/დაცვის ჩატარების დღეს (იხ. დანართები 1, 2) გაიხსნება შესაბამისი უჯრა სტუდენტის მიერ დასკვნით გამოცდაზე გასასვლელად აუცილებელი ქულების დაგროვების და დოკუმენტური მასალის (თუ სილაბუსით ეს გათვალისწინებულია) ჩაბარების აღსანიშნავად უწყისში სათანადო მონიშვნის არსებობის შემთხვევაში.
18. პედაგოგი ვალდებულია მეცადინეობის დაწყებამდე გაიაროს ელექტრონული რეგისტრაცია, შევიდეს აუდიტორიაში და ჩაატაროს მეცადინეობა სილაბუსის შესაბამისად. ჯგუფის გამოუცხადებლობის შემთხვევაში, იგი ვალდებულია არ დატოვოს აუდიტორია 15 (თხუთმეტი) წუთის განმავლობაში, რის შემდეგაც ინფორმაცია მიაწოდოს დეკანატს და გააკეთოს აღნიშვნა რეგისტრაციის სისტემაში.

19. სასწავლო კურსის წამყვანი პროფესორი ვალდებულია, ელექტრონულ უწყისში შეიტანოს სტუდენტის მიერ მიღებული შეფასება; სასწავლო კურსის წამყვანი პროფესორი ვალდებულია, უზრუნველყოს სათანადო სასწავლო მასალის მიწოდება და სტუდენტის მიერ შეფასების მიღების შესაძლებლობა იმ შემთხვევაშიც, თუ სასწავლო ცხრილის მიხედვით მეცადინეობის ან/და შეფასების ჩატარების გეგმური ვადა დაემთხვა უქმე დღეს; აღნიშნულის რეალიზაციისთვის დასაშვებია დამატებითი მეცადინეობების/შეფასების ჩატარება. თემების გადანაწილება ან სხვა ღონისძიებები, რომლებიც ხელს შეუწყობს სასწავლო პროცესის ნორმალურ მსვლელობას.
20. პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს ემთხვევა, ისევე შეფასდება, როგორც დამოუკიდებელი სასწავლო კურსი ან მისი კომპონენტი (პროგრამით განასაზღვრული ფორმატის შესაბამისად).
21. პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს არ ემთხვევა, შეფასდება სილაბუსში აღწერილი და სწავლების დეპარტამენტში შეთანხმებული წესით, „უმადლესი საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2007 წლის 5 იანვრის №3 ბრძანების მოთხოვნათა შესაბამისად.

